

黃病在內

卅二卷

御纂醫宗金鑑卷三十二

刪補名醫方論卷七目錄

大承氣湯

小承氣湯

調胃承氣湯

更衣丸

麻仁丸

桃仁承氣湯

抵當湯丸

梔子豉湯

梔子豉加甘草湯

梔子豉加生薑湯

梔子厚朴湯

梔子乾薑湯

瓜蒂散

小陷胸湯

大陷胸湯丸

三物白散

大黃黃連瀉心湯

附子瀉心湯

甘草瀉心湯

生薑瀉心湯

半夏瀉心湯

旋覆代赭石湯

麻黃連軀赤小豆湯

梔子蘘皮湯

茵陳蒿湯

大承氣湯

小承氣湯

調經濟腎丸論卷三十二

論經濟腎丸論卷三十二

御纂醫宗金鑑卷三十二

刪補名醫方論卷七

大承氣湯

治陽明病潮熱手足濇然汗出譫語汗出多胃燥獨語如見鬼狀喘冒不能臥腹滿痛蟬滑實又目中不了了睛不和又少陰病初得之口燥咽乾者自利清水色純青心下痛口燥舌乾者六七日腹脹不大便者

大黃

四兩酒洗

厚朴

半觔

枳實

五枚炙

芒硝

三合

右四味以水一斗先煮三物取五升內大黃煮取二升去

滓內芒硝再上火微煮一二沸分溫再服得下卽停後服

小承氣湯

大黃

四兩

厚朴

二兩炙
去皮

枳實

三枚

右三味以水四升煮取一升二合去滓分溫三服初服湯
當大便不爾再服以利爲度得便卽止服

集註

柯琴曰諸病皆因於氣穢物之不去由於氣之不順也故

攻積之劑必用氣分之藥因以承氣名湯方分大小者有

二義焉厚朴倍大黃是氣藥爲君名大承氣大黃倍厚朴

是氣藥爲臣名小承氣味多性猛制大其服欲令大泄下

也因名曰大味寡性緩制小其服欲微和胃氣也因名曰

小且煎法更有妙義大承氣用水一斗煮枳朴取五升去滓內大黃再煮取二升內芒消何哉蓋生者氣銳而先行熟者氣純而和緩仲景欲使芒消先化燥屎大黃繼通地道而後枳朴除其痞滿若小承氣以三味同煎不分次第同一大黃而煎法不同此可見仲景微和之意也

喻昌曰金匱治瘕爲病胸滿口噤臥不着席脚攣急必齧齒可與大承氣湯乃死中求生之法也靈樞謂熱而瘕者死腰折攣瘕齒齮也茲所云臥不着席卽腰折之變文脚攣急卽瘕瘕之變文且齮齒加以胸滿口禁上中下三焦熱邪充斥死不旋踵矣在傷寒證腹滿可下胸滿則不可

下然投是湯者須知所謂胸滿謂其邪尚在表故不可下
此證入裏之熱極深極重匪可比倫況陽熱深極陰血立
至消亡卽小小下之尙不足以勝其陽救其陰故取此湯
以承領其一綫之陰氣陰氣不盡爲陽熱所劫因而得生
者多矣可與二字甚活臨證酌而用之初非定法也既有
下之重傷其陰之大戒復有下之急救其陰之活法學者
欲爲深造端在此矣

調胃承氣湯

治表解有汗裏熱不除胃因不和而不作解者

大黃

四兩
酒洗

甘草

二兩
炙

芒消

半觔

右三味以水三升先煮二味取一升去滓內芒消微煮令

沸少少溫服之

註

三承氣湯之立名而曰大者制大其服欲急下其邪也小

者制小其服欲緩下其邪也曰調胃者則有調和承順胃

氣之義非若大專攻下也經曰熱淫於內治以鹹寒火

淫於內治以苦寒君大黃之苦寒臣芒消之鹹寒二味並

舉攻熱瀉火之力備矣更佐甘草之緩調停於大黃芒消

之間又少少溫服之使其力不峻則不能速下而和也

更衣丸

治津液不足腸胃乾燥大便不通

硃砂

五錢研如飛麵

蘆薈

七錢研細生用

滴好酒少許和丸每服一錢二分好酒下

集註

柯琴曰胃爲後天之本不及固病太過亦病然太過復有

陽盛陰虛之別焉兩陽合明而胃家實仲景製三承氣湯

以下之三陽燥結而津液亡前賢又製更衣丸以潤之古

人入廁必更衣故以此命名也硃砂以汞爲體性寒重墜

下達蘆薈以液爲質味苦膏潤下滋兼以大寒大苦之性
味能潤燥結從上導下而胃關開矣合以爲丸兩者相須
得效最宏奏功甚捷誠匪夷所思矣

麻仁丸

又名脾約丸

治腸胃燥熱大便秘結小便數多

麻子

一升

芍藥

半觔

枳實

半觔

大黃

一觔 去皮

厚朴

一觔 去皮

杏仁

一升 去皮 煎 熬 碾 脂

右六味爲末煉蜜爲丸桐子大飲服十丸日三服漸加以

利爲度

集註

成無已曰約者約結之約又約束也經曰飲入於胃游溢

精氣上輸於脾脾氣散精上歸於肺通調水道下輸膀胱
水精四布五經并行今胃強脾弱約束津液不得四布但
輸膀胱小便數而大便艱故曰脾約麻仁甘平而潤杏仁
甘溫而潤經曰脾欲緩急食甘以緩之本草曰潤可去燥
是以麻仁爲君杏仁爲臣枳實破結厚朴瀉滿故以爲佐
芍藥調中大黃通下故以爲使

朱震亨曰旣云脾約血枯火燔津竭理宜滋陰降火津液
自生何秘之有此方惟熱甚而稟實者可用熱微而虛者

愈致燥涸之苦矣

桃仁承氣湯

治血結胸中手不可近或中焦畜血寒熱胸滿漱水不欲嚥
善忘昏迷如狂者此方治敗血留經通月事

桃仁

五十個
去皮尖

桂枝

二兩

大黃

四兩

芒消

二兩

甘草

二兩

右五味以水七升煮取二升半去滓內芒消更上火微沸
下火先食溫服五合日三服當微利

抵當湯並丸

治傷寒畜血併治癥瘕追蟲攻毒甚佳

水蛭

三十個
熬

蟪蟲

三十個
熬
去頭足

大黃

三兩

桃仁

三十個
去皮尖

右四味爲散以水五升煮三升去滓溫服一升不下再服

利爲度

水蛭

二十個
熬

蟪蟲

二十五個
熬
去翅

桃仁

二十個
去皮尖

大黃

三兩

右四味杵分爲四丸以水一升煮一丸取七合服晡時當

下血若不下更服

集註

柯琴曰膀胱爲水府血本無所容蓄者也少腹者膀胱之

室也熱結鞭滿當小便不利而反利者是病不在膀胱內而在少腹內也可知其隨經之營血因瘀熱而結於少腹之裏而非膀胱之裏也故小便雖利而鞭滿急結畜血仍瘀於少腹也熱淫於內神魂不安故發狂血瘀不行則營不運故脈微而沉營不運則氣不宜故沉而結也營氣不周於身則身黃消穀善饑者胃火熾盛也大便反易者血之濡也色黑者畜血滲入也善忘者血不榮智不明也此皆瘀血之徵兆非至峻之劑不足以抵其巢穴而當此重任故立抵當湯蛭蟲之善飲血者而利於水腫蟲之善吮

血者而猛於陸並取水陸之善取血者以攻之同氣相求
更佐桃仁之苦甘推陳致新大黃之苦寒蕩滌邪熱故名
抵當也若熱雖盛而未狂少腹滿而未鞭空小其制爲丸
以緩治之若外證已解少腹急結其人如狂是轉屬陽明
用調胃承氣加桃仁桂枝之行血者於其中以微利之胃
和則愈矣此桃仁承氣爲治之緩也

梔子豉湯

附加減諸湯

治陽明病蠅浮而緊咽燥口苦腹滿而喘發熱汗出不惡寒

反惡熱身重煩躁心中憤憤怵惕懊懷目疼鼻乾不得臥

梔子

十四枚擘

香豉

四合綿裹

右二味以水四升先煮梔子得二升半內豉煮取一升半去滓分二服溫進一服得吐止後服

若少氣者加甘草二兩

若嘔者加生薑三兩

若下後心煩腹滿起臥不安者去香豉加厚朴四兩枳實

四枚

若醫以丸藥下之身熱不去心中結煩去香豉加乾薑二

兩

若身熱發黃者去香豉加甘草一兩黃蘗二兩

集註

柯琴曰太陽以心腹爲裏陽明以心腹爲表蓋陽明之裏

是胃實不特發熱惡熱目痛鼻乾汗出身重謂之表一切

虛煩虛熱咽燥口苦舌胎腹滿煩躁不得臥消渴而小便

不利凡在胃之外者悉是陽明之表也仲景製汗劑是開

太陽表邪之出路製吐劑是引陽明表邪之出路所以太

陽之表宜汗不宜吐陽明之表當吐不當汗太陽當汗而

反吐之便見自汗出不惡寒饑不能食朝食暮吐欲食冷

食不欲近衣等證此太陽轉屬陽明之表法當梔子豉湯

吐之陽明當吐而不吐反行汗下溫鍼等法以致心中懊